



## Universitätsbibliothek Paderborn

### **Reverendissimi Ac Illustrissimi D.D. Antonii Godeau Episcopi Venciensis Viri Celeberrimi Theologia Moralis**

Ex Purissimis Sacræ Scripturæ, Patrum Ac Conciliorum Fontibus Derivata,  
Notis Theologicis Illustrata, Duasque In Partes Divisa

Complectens Tractatus I. De quarto, quinto, & sexto decalogi Præcepto II.  
De septimo decalogi Præcepto. III. De octavo decalogi Præcepto. IV. De  
Ecclesiæ Præceptis. V. De Sacramentis in genere & quibusdam in specie.  
VI. De Pœnitentia. VII. De Matrimonio

**Godeau, Antoine**

**Augustae Vindelicorum, 1774**

Caput VII. Quo ordine & loco sit restituendum.

[urn:nbn:de:hbz:466:1-53587](#)

## C A P U T VII.

Quo ordine & loco sit restituendum.

Duplex restitutionis ordo est adnotandus. Unus  
eos, qui restituere tenentur, concernit,  
alter illos attingit, quibus fieri restitutio debet.

Quoad eos, qui *restituere tenentur*, iste ser-  
vandus est ordo. Imprimis restituat opor-  
ter, qui rem alienam sive in se, sive in æquiva-  
lenti detinet, aut consumpsit. Si plures de  
eadem participarunt, quilibet pro rata suam vi-  
delicit partem restituere tenetur; hisce non re-  
stituentibus, restitutionis onus devolvitur 2. ad  
mandantem, sive eum qui jussione, vi, metu,  
fraude alium ad damnum tertio inferendum in-  
duxit, 3. ad exequentem ceu illius instrumen-  
tum, 4. ad consentientem, 5. ad laudantem,  
6. ad recipientem, 7. tandem ad eum qui ta-  
cuit, non obstatit, non manifestavit, uti potuit, &  
vi muneris, ac officii sui debuit (a). Hi omnes  
sicut in furti peccato communicant, ita & com-  
munem

(a) Iste restitutionis ordo *indirecte* eos solum obli-  
gat, qui vi officii, vel contractus ad loquen-  
dum, resistendum &c. adstringuntur; *directe*  
autem illos, qui efficaciter, seu cum effectu ad  
injustam damnificationem quidquam contulerunt.  
Hinc si mandans vel consulens re adhuc integra  
mandatum, vel consilium serio revocet, aut si  
fur jam antea efficax furandi propositum habue-  
rit &c. stricta restituendi obligatio in sure sistit;  
aliosque non attingit. Ita communis,

munem restitutionis obligationem habent, adeo ut si prior restituere aut non velit, aut non posset, sequens ad hoc *in solidum*, seu totum supplendum teneatur, nisi forsan ad partem præcile illius facta cooperatio fuisset. Quodsi posterior vel libere, vel aliunde coactus restituisset, recompensationem a prioribus petere posset; si vero debitum principaliori est remissum; nisi exceptio sit apposita, remissum quoque cooperatoribus censetur.

Hoc præsupposito restituentium ordine, circa res restituendas, aut *personas*, quibus restitutio est facienda, Doctores hasce assignant regulas.

*Prima regula hæc est: Quando aliquis rem alienam haberet, sive illam furatus fuerit, sive invenerit, sive apud se depositam habeat, hanc legitimo domino debet restituere; quem si non reperiat, pauperibus illam distribuat.*

*Secunda est, res certas prius esse restitutas, illas videlicet de quarum vero domino constat, antequam reddantur illæ, quarum dominus est incertus.*

*Tertia est, debita legitime contracta prius esse solvenda, deinde illa quæ non legitime contracta sunt. Exempli gratia, usurarius debitis obstrictus sua prius debita solvere debet, quam usuras, quas exegit. Attendendæ quoque circa hanc solutionem leges & consuetudines loci, quando justæ sunt; cum vero sunt injustæ, standum est juri communi. Dos mulieris prius est solvenda.*

solvenda; sed hujus dotis prætextu non sunt fraudandi creditores, ut in quibusdam provinciis iniqui solent mercatores. Deinde restituenda prius sunt bona creditoribus hypothecata. Tertio deposita, quæ apud debitorem peridere. Quarto prius illis solvendum est, qui speciale exigendi privilegium habent. Quinto veniunt loco creditores communes, inter quos priores tempore sunt anterendi.

Quoad restitutionis locum, si solum ex accepta facienda sit restitutio, non cogimur eam ibi facere, ubi ejus dominus moratur, si longe distet, satis est illum de facienda restitutione monere. Hinc si quis exempli causa aliquid a fure bona fide emit, sufficit dominum admonere se ad restituendum esse paratum, quin suis sumptibus rem emptam ad illum mittat. Quod si mala fide empta res esset, cum constet esse furto ablatam, tunc ad dominum, si vellet, essetmittenda, ut nullum damnum ipse pateretur, idque magis adhuc de fure est dicendum.

### C A P U T VIII.

#### *Causæ a restitutione excusantes recensentur.*

Prima & justior causa, quæ a restitutione excusat, est cum creditor debitum remittit. Verum ut valida sit hæc remissio, oportet, ut qui eam facit, potestatem faciendi habeat. Filii familias non possunt parentum suorum credita remittere, nec famuli dominorum, neque villi-

M 4

cus